

BELA NASIB HAIWAN JALANAN

Program Kucing Angkat cari tuan baharu, Dogathon 2019 tingkat kesedaran isu kebajikan

Aniza Zainudin
anizazainudin@metro.com.my

Ke mana hilangnya sifat belas kasihan dan kasih sayang manusia terhadap makhluk bernyawa lain?

Persoalan ini timbul apabila menyaksikan kerakusan manusia yang diangkat sebagai khalfah dan diamanahkan supaya memacu dunia ke arah kebaikan semakin 'seronok' melakukan kerosakan bahkan penganiayaan terhadap binatang.

Penghujung tahun lalu, Malaysia digemparkan dengan rakaman kamera litar tertutup mempamerkan kezaliman dilakukan dua lelaki membunuh seekor kucing bunting dengan meletakkannya ke dalam mesin pengering pakaian di kedai dobi layan diri di Taman Gombak Ria, pada 11 September 2018, jam 12.54 malam.

Bangka haiwan malang yang mati berdarah akibat melecur itu kemudian ditemui pelanggan lain pada jam 10.30 pagi apabila ingin menggunakan mesin pengering berkenaan.

Retetan daripada itu, 'pemangsa' ini didakwa mengikut 29 (1) (e) Akta Kebajikan Haiwan 2015 (Akta 772) dan dihukum mengikut Seksyen 29 (1) akta sama yang dibaca bersama Seksyen 34 Kanun Keseksamaan yang memperuntukkan hukuman penjara maksimum tiga tahun atau denda atau kedua-duanya, jika sabit kesalahan.

Pada 17 Januari lalu di Mahkamah Sesyen Selayang, Hakim Rasyidah Ghazali menjatuhkan hukuman penjara dua tahun terhadap A Mohanraj, 42, atas kesalahan berkenaan.

Keterbalikan daripada situasi itu, masih ada sekelompok insan berjiwa besar yang memperjuangkan nasib haiwan terutama dikategorikan jalanan.

Penganjuran Program Kucing Angkat anjuran Persatuan Haiwan Malaysia, minggu lalu,



TARIK perhatian pencinta kucing.

dilihat antara usaha bagi membela kucing jalanan dengan menemukannya bersama keluarga baharu.

Wakilnya, Juanita Izzudin Mohd Farouk berkata, projek perintis ini dilaksanakan bersama rakan penyelamat bebas dan syarikat makanan kucing, Misha, dalam konsep santai bagi mencari rumah baharu buat kucing di bawah jagaan masing-masing.

"Kami mengambil pendekatan lebih terbuka seakan-akan karnival dengan menganjurkan program ini di luar bangunan diiringi pelbagai aktiviti termasuk penjagaan asas kucing, penempatan kucing angkat dan sebagainya.

"Sebelum ini, bagi penempatan kucing angkat ini selalunya dilakukan secara persendirian oleh penyelamat bebas, namun menerusi program ini sebanyak 100 ekor kucing pelbagai baka ditawarkan untuk dijaga.

"Kami ingin memperkenalkan konsep satu keluarga, satu haiwan peliharaan yang bertujuan memupuk kasih sayang terhadap haiwan dalam kalangan masyarakat, terutama kanak-kanak.



KONGSI ilmu penjagaan bersama pengunjung.



ANTARA kucing jalanan berjaya diselamatkan.

"Kesanggupan keluarga angkat ini juga dapat menyebarkan mesej kesedaran, mengajarkan tanggungjawab, membentuk perasaan kasih pada makhluk lain, bersikap positif dan sabar.

"Ada segelintir masyarakat berminat untuk memelihara kucing, namun ilmu dan pengalaman dimiliki kekurangan. Jadi, pada hari ini (Sabtu minggu lalu), kami mengadakan bengkel mengenai penjagaan asas kucing kepada keluarga baharu dan pengunjung," katanya ketika ditemui di Segambut, minggu lalu.

Menurut wanita juga penyelamat bebas yang memiliki 49 ekor kucing ini, sesi temu duga dan saringan turut dilaksanakan bagi proses kucing angkat.

Sesi ini dijalankan bagi memastikan penjaga baharu benar-benar mampu memikul tanggungjawab untuk menjaga kebajikan, kesihatan, penjagaan serta perhatian kepada kucing yang bakal dipelihara.

Kata Juanita Izzudin lagi, ada kes individu mengambil kesempatan terhadap kucing jalanan

yang dipelihara sehingga sihat dan cantik ini untuk dijadikan induk baka.

Katanya, program ini juga membuka ruang kepada penyelamat bebas menjana pendapatan bagi menampung kos penjagaan haiwan yang diselamatkan.

"Ramai beranggapan kami (penyelamat bebas) sentiasa meraih simpati mengumpul dana menerusi hebahan media sosial bagi menyelamatkan kucing jalanan sama ada rawatan kesihatan dan pemberian vaksin.

"Namun, sebenarnya kami melakukan pelbagai kerja berbeza bagi menjana pendapatan diri dan rezeki itu dikongsi bersama kucing yang kami selamatkan," ceritanya sambil mengakui sebanyak 20 kucing berjaya bertemu penjaga baharu.

Sementara itu, Pengarah Eksekutif Misha, Lee Lay Yim mengakui kerjasama dengan Persatuan Haiwan Malaysia bersesuaian dengan objektif syarikat menyokong program penempatan semula kucing dan pemberian makanan bernutrisi.

Dalam acara berbeza, Persatuan Mahasiswa



Idea untuk mendidik masyarakat mengenai pengkajian haiwan peliharaan masing-masing adalah penting

DR MOHD HAIR

Fakulti Perubatan Veterinar (VETERNAK) dan Zoologico Club, Fakulti Perubatan Veterinar, Universiti Putra Malaysia (UPM) menganjurkan program larian amal tahunan bersama anjing peliharaan, Dogathon 2019.

Pengarah bersamanya, Nicole Tan Han Xin berkata, program yang berlangsung pada Ahad lalu berjaya mengumpul dana 1,216 ekor anjing bersama kira-kira 2,000 pemilikinya.

"Tahun ini, Dogathon tampil dengan beberapa objektif utama termasuk meningkatkan kesedaran mengenai isu kebajikan haiwan dan mendidik masyarakat perihai haiwan jalanan.

"Dogathon juga platform untuk menyokong usaha 'Catch-Neuter-Rehome' (CNR) oleh Projek Pengkajian Haiwan Terbilang (Prokash) bagi mengawal populasi binatang jalanan di kampus UPM.

"Selain mengukuhkan hubungan di antara binatang peliharaan dan pemilik, kami juga ingin mengumpul dana untuk pengetahuan dan pengalaman antara satu



KEBAJIKAN perlu dijaga.



KELUARGA angkat si comel.



LARIAN sejauh 1.5 kilometer.



BINA hubungan erat antara anjing dan pemilik.



KONGSI kesedaran dalam kalangan masyarakat.

sama lain. "Sempena larian ini, kami berjaya mengumpul dana sebanyak RM5,000 dan ia akan diserahkan kepada Prokash bagi usaha CNR," katanya.

Dekan Fakulti Perubatan Veterinar, Prof Datuk Dr Mohd Hair Bejo berkata, penganjuran program kali ke-22 ini diharapkan mampu menyebarkan kesedaran dalam kalangan masyarakat mengenai isu haiwan jalanan.

Jelasnya, haiwan jalanan tidak bertuan ini tidak terbelah kebajikannya malah ia memberi risiko kesihatan terhadap masyarakat sekiranya populasinya tidak terkawal.

Justeru, idea untuk mendidik masyarakat mengenai pengkajian haiwan peliharaan masing-masing adalah penting.

Ini kerana pembiakan tidak terkawal membuatkan pemilik mengambil tindakan membuang sekali gus menjadikan baka anjing atau kucing dipelihara kepada binatang jalanan, apabila tidak mampu menjaganya lagi.